



E-mailikkut uunga nassiussaq:

Asasara Hans Enoksen,

Ullumi apeqqarissaarnermi neriorsuina malillugu matumuuna Savissivimmi puisit amiinik tunisinerup unitsikkallarneranut allaganngorlugu nassuiaat nassiuppara.

Kaammattuuteqarnikkut ullumikkut nunami maani puisit amiinik tunisinermik isumaginnittuusumik Great Greenland A/S-imik Inuussutissarsiornermut Naalakkersuisoqarfik oqaloqateqarsimavoq. Tassunga atatillugu Savissivimmi puisit amiinik tunisaqartarnerup unitsinneqarallarnera Great Greenland A/S-ip uppernarsarpaa.

Ilanngullugu tunisinerup amigaataaneranut patsisaasoq eqqorluinnartut tassaasoq tamaani pisiortortut qerititsivii qaamikkut matullit ulikkaarsimanagerat Great Greenland A/S-ip ilisimatitsissutigaa. Taamaattorli umiarsuup kingulliup isorliunerusut tikikkaangagit tamatuma pigajuttarnera ilisimaneqartut tamaviaarfissatut ilaavoq. Umiarsuit tikissinnaajunnaartillugit amernik assartuineq qulimiguulitsigut pisarpoq, taakkulu nunaqarfinnut tikittartut umiarsuarnut naleqqiullugit annikinneerarsuarmik usisinnaassuseqarput. Taamaattumik toqqorsiviit ulikkaapallattarput, taavalu aamma nioqqutissat nassiussassat tiginissaannut toqqorsivissanik amigaateqallattaartoqartarluni. Taamaattumik Savissivimmi Pilersuisup pisiortortumut atortorissaarutiminnik atukkiussaqaarnissamik kissaateqaqnginnera pineqaqngilaq, amernilli nutaanik tigusinnaalersinnani toqqorsiviit ulikkaartut imaartariaqarlutik.

Nalaatarisat ajuusaarnartut tamakku pinaveersaartinniarlugit suliaqartuarnerminik Great Greenland A/S-ip nalunaarutigaa, ilaatigut pisiortortunut toqqorsivissanik annertunerusunik pissarsisitsinikkut, iliuuserisassatulli periarfissaminnik aningaasaqarnikkut atugarisaat killilersuipput.

Suliamik tamatuminnga qanoq tapersersuisoqarsinnaanersoq pillugu Naalakkersuisut oqaloqatigiinnermut peqataarusussuseqarput, Great Greenland A/S-imulli immikkut aningaasaliissutissanik pisariaqartitsinermik

21-10-2020
Sagsnr. 2019 - 19523

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

nassataqartuunissaa naatsorsuutigineqassaaq, ingerlatseqatigiiffiummi
aningsaasaqarnera artukkerneqaqqareerpoq.

Inussiarnersumik inuulluaqqusillunga
Med venlig hilsen


Jens-Frederik Nielsen